



UNIVERSITÄTS-  
BIBLIOTHEK  
PADERBORN

**Tractatvs De Censvris Romano Pontifici Reservatis**

**Ugolinus, Bartholomaeus**

**Venetijis, 1609**

Verb. Ferrum.

---

[urn:nbn:de:hbz:466:1-61365](https://nbn-resolving.de/urn:nbn:de:hbz:466:1-61365)

armantur etiam equi ad bellum,  
ideo & arma eorum deferri  
prohibitum est, quod & antea  
asseruimus; & de armis hacte-  
nus.

## Verb. Ferrum.

S V M M A.

- 1 Ferrum ad christiani nominis hostes  
-defiri non potest.
- 2 Tam factum, quam infectum.
- 3 Ferrum factum, & infectum quod  
nam sit.
- 4 Terra, unde ferrum sit, an prohibita  
sit deferri ad hostes christiani nomi-  
nis.
- 5 Ferri parua quantitas si ad hostes  
christiani nominis deferatur, an de-  
ferens in excommunicationem inci-  
dat.

- 1 **H**ic quoque† prohibitum est,  
ne ad christiani nominis ho-  
stes ferrum deferatur, idque meri-  
to, nam ex ferro arma fiunt, quæ  
vt vidimus ad eosdem hostes de-  
ferri nequeunt, ex quo igitur con-  
sequens prohibitum est, & antece-  
dens prohibitum esse debet. argu-  
l. o. tio. ff. de spons.
- 2 Ferri autem † nomine tam fa-  
cili, quam infectum comprehen-  
ditur in hac materia, vt habetur  
in b. c. quæ res export. non deb.  
et vt inquit Io. Tabien. in verb.  
Excommunicatio. 6. num. 3. vers.  
Secundo, & Nau. in cit. c. ita quo

rundam. no. 6. de iudæ. & in Man.  
cap. 27. num. 63. versi. Quinta, &  
Rebuff. in Prax. benefi. in exposi-  
tione Bullæ Cœnæ Domini. artic.

3 5. in verb. Ferrum. † Factum auté  
ferrū intelligo id, ex quo aliquid  
fabricatum est, vt arma, & id ge-  
neris, infectū autem id, quod est  
adhuc in massa, vel in laminis, vt  
Nauarr. ibid. tradidit, etenim &  
argentum infectum illud dicitur,  
sicut & aurum, ex quo nihil effe-  
ctum est, vt habetur in le. cum au-  
rum, & in l. et si non sint. §. argen-  
to facto, & §. infecto, & leg. Quin-  
tus Mutius. ff. de aur. & argent. le-  
gat.

4 At quid † de terra, vnde ferrū  
fit, an & hæc ferri nomine conti-  
nebitur, vnde in excommunica-  
tionem hanc ad hostes ipsam de-  
ferens incidat? Syl. in ver. Excom-  
municatio. 7. numero 59. versicu.  
Et secundo, quod nomine ferri. te-  
nuit & hanc terram comprehen-  
di, nam declarans nomine ferri  
infecti quid contineatur, inquit,  
idest vena ferri. Contrariam ta-  
men opinionem sequitur Nauar.  
in cit. c. ita quorundam. not. 6. &  
hoc ob eam rationem, quoniam  
vena ferri, seu terra, ex qua ferrū  
conflatur, nō est ferrum, ergo ex  
quo ei nomen non convenit, nec  
nominis definitio conuenire de-  
bet. argumen. leg. 4. §. toties. ff. de  
damn. infect. Quid igitur conclu-  
dendum? Ego sentio opinionem  
Syl. sequendam esse. Nā esto ver-  
bi natura proprie non comprehē-  
datur,



datur, ex mente legislatoris tamē comprehenditur, quis enim dubitet, si Romanus Pontif. interroga retur, an vellet saltem terram hac ad christiani nominis hostes deferri, id constanter negaturum esse? quippe qui noscet inde ferrum conflari posse, ergo periude habē dum est, atque si illud expressisset, vt tradidit Gloss. communiter recepta in l. tale pāctū. §. fin. ff. de pāctū etenim ferrum de proximo conflandū pro contlato habetur argument. l. penul. ff. de milit. test. præterea fraus legislatoris menti fieret, nam prohibet ferrum deferri, & tamen quodammodo deferri posset, & deferretur, si terra, vnde illud sit, deferre quis possit, at iuri fraus facienda non est, capitu. fraus. de regu. iur. libr. 6. Postremo facit, quod hic agitur de fauore Ecclesiae, ergo latior interpretatio facienda est. argumen. l. sunt personæ. ff. de relig. & sumpt. fune. Concludo igitur nec terram hanc deferri posse: & multo magis vbi hoc animo exportaretur, quo inde ferro conflato contra christianos, hostes uterentur, quem casum & ipse Nau. sub Bulla cœnæ Domini comprehendendi dixit in Manual. capitu. 27. numero 63. versicul. Secundo; ibi. Nisi cum ea mente, & Iacob. de Graff. libr. 14. decisi. in expositione Bullæ Cœnæ Domini. numer. 89. Et ex his cessant rationes a Nauarr. adductæ, si propositas rationes quis contempletur. Fertum.

igitur factum, infestum ve sit, ad christiani nominis hostes deferri non debet, quamuis credidetim ex quo armorum speciatim mentione facta est, nomine ferri, ferrum proprie hic accipi, alioquin in excommunicationes quis incidet.

Excipio tamen, vbi parua quātus ferri facti, vel infecti defertur, tunc enim in excommunicationem deferens non incidet, vt diximus antea, & Syl. in verb. Excommunicatio. 7. num. 59. versic. Et secundo, & Ioann. Tabien. in verb. Excommunicatio. 6. numer. 3. & Nauarr. in citat. capitul. ita quorundam, not. 6. numero 12. Quod tamen verum censeo, vbi ex parua illa ferri quantitate, ratione loci, ac temporis magnum detrimentum christianis non contingit, vt exempli gratia, bellum geritur a Turcis contra christianos, & Turcæ volūt nocte insidijs paratis concludere clavis foramina bombardarum christianorū, quominus deinceps ipsis vti christiani queant, id est inchiodare, qui igitur in hoc casu vel vnum clavum Turcis dederit, ob graue dānum, quod inde ex re illa parua sequitur, sine dubitatione tradens in excommunicationem incidet, id ē de eo sentio, qui in prælio hosti pilam ferream traderet, sciens, scireve potens, vel debens eam in christianos proiecturum, in huiusmodi igitur his casibus, vbi a re parua detrimentum gr.

ue proficisci potest, & rem paruā tradens in excommunicationem incidet.

### Verb. Filum ferri.

S V M M A.

- I Filum ferri ad christiani nominis hostes deferri non potest, & quamobrem.

I **H**ic † quoque ad hostes christiani nominis filum ferri deferrit prohibetur, ut in versic. proposito habetur: etenim eo pilæ armatæ sunt, & bombardis, sclopetisque pilæ plures simul iunctæ, atque inclusæ, indeque eiectæ graue damnum inferunt. Addo ex sillo ferri arma alia fieri posse, ut potestate spicula sagittarum, & alia etiā armorum genera, vbi quantitas magna adest.

### Verb. Stannum.

S V M M A.

- I Stannum ad christiani nominis hostes deferri non potest, & quamobrem.

I **H**ic quoque † ad christiani nominis hostes deferri prohibatum est stannum, ut in eodem versicul. habetur, etenim ad bombardas facientes accommodatum est,

ac propterea ad bellum aptum, & ad alia etiam utile, stannum autē species metalli est, quod in fodiinis inuenitur cum argento, & in fornace primum liquefit, & Plumbum album vocat.

### Verb. Chalybem.

S V M M A.

- I Chalybs ad hostes Christiani nominis deferri non potest.

I **H**ic quoque † prohibitum est hinc ad christiani nominis hostes chalybs deferatur, ut in versicul. habetur, & proprie hic accipitur pro eo ferro, quod vulgo dicitur acciaio, quamvis alias generatione pro ferro accipiatur, sed quoniam speciatim ferri mentio facta est, ob eam rem pro metalli specie accipere hic debemus.

### Verb. Omniaque alia metalorum genera.

S V M M A.

- 1 Metallorum genera nulla ad hostes deferrit possunt.
- 2 Metallorum genera septem sunt, & que.
- 3 Plumbum ad christiani nominis hostes deferri non potest.
- 4 Aurum ad christiani nominis hostes deferri